

**O‘ZBEKISTON RESPUBLIKASI OLIIY VA O‘RTA MAXSUS
TA’LIM VAZIRLIGI
URGANCH DAVLAT UNIVERSITETI**

«KELISHILGAN»

Oliy va o‘rta maxsus ta’lim

vazirligi _____

" ____ " _____ 2021-yil

«TASDIQLAYMAN»

Urganch davlat universiteti



B. Abdullayev

2021 - yil

**MUTAXASSISLIK FANLARI BO‘YICHA MAGISTRATURAGA KIRISH
SINOVI DASTURI**

5A120304 - Tarixshunoslik, manbashunoslik va tarixiy tadqiqot usullari
(mamlakatlar bo'yicha)

URGANCH – 2021

Dastur 5A120304 - Tarixshunoslik, manbashunoslik va tarixiy tadqiqot usullari (mamlakatlar bo'yicha) magistratura mutaxassisliklariga kiruvchilar uchun 5120300 – Tarix (mamlakatlari va yo'nalishlar bo'yicha) ta'lim yo'nalishining 2017-2018 o'quv yilida tasdiqlangan o'quv rejasidagi ixtisoslik fanlari asosida tuzilgan.

Tuzuvchilar: Abdullaev O'.I. UrDU "Tarix" kaf.mud. dots. t.f.d.,
Davletov S.R. UrDU "Tarix" kaf. dots. t.f.d.,
Matyakubova M.M. UrDU "Tarix" kaf. dots. t.f.n.,
Matyakubov H.H. UrDU "Tarix" kaf. dots v.b.;PhD.

Taqrizchilar: Xoliqulov A. O'zMU "O'zbekiston tarixi" kaf.mud. dots. t.f.n.,
Urakov D. O'zMU "Jahon tarixi" kaf.mud. dots. t.f.n.,

Dastur Tarix fakultetining 2021 yil 02 iyul № 11-sonli Kengashi yig'ilishida muxokama qilingan va tasdiqlashga tavsiya etilgan.

Kirish

Manbashunoslik va Tarixshunoslik fani bo'yicha magistraturaga kirish sinovi uchun mo'ljallangan bo'lib, unda qo'yilgan masalalar ta'limning oldingi bosqichlarida mazkur mutaxassislikka doir o'qitilgan fanlarning o'quv dasturlariga asoslangan.

Dasturda, tarixiy manbashunoslikning maqsad vazifalari, tadqiqot usullari, O'rta Osiyo va O'zbekiston tarixini yoritib beruvchi qadimgi davrdan hozirgi kungacha bo'lgan tarixiy manbalarning o'rganilishi, Tarix fanining vujudga kelishi va o'tmishni o'rganishdagi dastlabki malakalar hamda tarixni o'rganishda asos bo'luvchi manbalar haqida tushuncha beradi. Shu qatorda, tarixiy manbalar va tarixiy hujjatlar bilan ishlash, tarixning boshqa fanlar bilan o'zaro munosabatlari-ijtimoiy va gumanitar fan davriy jarayoni haqida, arab, fors tilidagi qo'lyozmalar, manbalar va ularning tarix fanining rivojlanishidagi o'rni masalalarini o'z ichiga olgan. Shuningdek, tarixshunoslikning dolzarb muammolari: nazariy-metodologik masalalarni ishlab chiqish, tarixshunoslik fani rivojlanishi muammolari, XX asr boshlarida tarix fani rivojining ijtimoiy-siyosiy va ijtimoiy-madaniy shart-sharoitlari, maxsus va yordamchi tarix fanlarining rivojlanishi hamda O'zbekistonda tarixshunoslik tadqiqotlari rivojlanishining asosiy tamoyillari kabi masalalar qamrab olingan.

Dastur 5A120304 – Tarixshunoslik, manbashunoslik va tarixiy tadqiqotlar usullari (Osiyo va Yevropa mamlakatlari bo'yicha) mutaxassisligiga kirish uchun talabgor bo'lgan talabalarning test savollariga tayyorlanishlari uchun asosiy qo'llanma bo'lib xizmat qiladi.

Asosiy qism

Tarixiy tadqiqot uchun manbalarni turkumlashning ahamiyati. Turkumlashdagi asosiy tamoyillar: manbalarni mazmuniga, kelib chiqishiga va yo'nalishiga qarab ajratish. Tarixiy manba. Manbalarning asosiy turlari: moddiy yodgorliklar, ma'naviy yodgorliklar. Tarixiy manbalarning shakl va mazmuniga qarab guruhlariga bo'linishi: moddiy (ashyoviy) manbalar; etnografik manbalar; lingvistik manbalar; og'zaki manbalar (folklor). Yozma manbalar. Yozma manbalarning asosiy xillari. Adabiy manbalar (yilnomalar, xronikalar va h.k.). Epik yodgorliklar. Aktlarga oid hujjatlar (yorliqlar, aktlar, xatlar, yuridik-qozixona hujjatlari va b.). Arxiv manbalari. Normativ va ijroiya hujjatlari; statistik materiallar tarixiy manba sifatida. Diplomatik hujjatlar; memuarlar; davriy matbuot.

Manbalarni o'rganish: aniqlash, tiklash, tahlil qilish. Manbalarni aniqlash va uning ilmiy ahamiyati. Manbalarni mavzular tartibida saralash va uning asosiy shartlari. Manbalarni tahlil qilish uslublari. Manbalarni tashqi va ichki belgilariga qarab tahlil qilish. Tarixiy manba haqida umumiy xulosalar chiqarish. O'rta Osiyoda ilk yozuvning shakllanishi. Turkiy bitiklar, ularning yozuvlari va aniqlangan joylari hamda turkiy manbalar borasida olib borilgan tadqiqotlar. Kitobot san'ati, Qadimgi ieroglif yozuvlar va ularning tadqiq etilishi.

O'zbekiston Milliy arxivida tarixiy ahamiyatga ega arxiv hujjatlari. Qo'qon va Xiva xonligi hamda Buxoro amirligi tarixiga oid tarixiy manbalar hamda Rus sayyohlarining esdaliklari va sayohatnomalarning tarixchi olimlar tomonidan tadqiq etilishi. Sayohatchilarning faoliyatiga oid ma'lumotlar,

Sharq qo'lyozmalari xazinalari

Qo'lyozma asarlar tarixi va ularning hududiy qamrovi. Arab tilidagi yozma meros va uning tarqalishi. Qo'lyozmalarning jahon bo'ylab tarqalish sabablari. Sharq qo'lyozmalarining turli mamlakatlardagi miqdoriy ko'rsatkichi. Qo'lyozmalar xazinalari: Misr, Eron, Buyuk Britaniya, Germaniya, Turkiya, Rossiya, O'zbekiston. Sharq qo'lyozmalarini tavsiflash va kataloglar chop etilishi tarixi. O'zbekiston Fanlar Akademiyasi Sharqshunoslik instituti faoliyati. Institutda saqlanayotgan Sharq qo'lyozmalari haqida umumiy ma'lumotlar,

institutda faoliyat olib borgan hamda hozirda tadqiqot olib borayotgan sharqshunos olimlar. O'zbekiston Milliy universitetida saqlanayotgan qo'lyozmalar.

O'rta Osiyoning IX-XIII asrlar tarixiga oid yozma manbalar

O'rta Osiyo tarixi IX-XV asrlarda yozilgan arab tilidagi qator yozma manbalarda aks etgan. Jumladan: al-Madoiniy "Axbor al-xulafo", al-Ya'qubiy "Kitob al-buldon", Balazuriy "Kitob futuh al-buldon", Tabariy "Tarix ar-rusul va-l-muluk", Ibn Fazlon "Risola", al-Mas'udiy "Muruj az-zahab", Utbiy "Tarixi Yaminii", Abu Abdulloh al-Xorazmiy "Mafotih al-ulum", Abu Rayhon Beruniy "Osor al-boqiya", Mahmud Qoshg'ariy "Devonu lug'at at-turk", Sam'oniyy "Kitob al-ansob", Ibn al-Asir "Al-Komil fi-t-tarix", Yoqut Hamaviy "Mu'jam al-buldon", Muhammad Nasaviy "Sirat as-sulton Jaloliddin", Jamol Qarshiy "Mulhaqat as-suroh". O'rta Osiyo IX-XV asrlar tarixiga oid forsiy yozma manbalar: Narshaxiy "Buxoro tarixi", "Hudud ul-olam", Nizomulmulk "Siyosatnoma", Nizomi Aruzi Samarqandiy "Chor maqola", Gardiziy "Zayn ul-axbor", Abulfazl Bayhaqiy "Tarixi Mas'udiy", Avfiy "Javomi' al-hikoyot", Juvayniy "Tarixi jahongushoy", "Ansob us-salotin va tavorix ul-xavoqin", "Kitob al-Qand fi ma'rifat ulamo-i Samarqand", "Firdavs ul-iqbol" tarixiy asarlari haqida ma'lumotlar.

Temuriylar davri tarixiga oid yozma manbalar

Temuriylar davri tarixiga oid yozma manbalarning xususiyati. Rashidaddin «Jome' at-tavorix», Hamdalloh Qazvinii «Tarixi guzida». Temuriylar saltanati tarixiga oid forsiy tarixiy yozma manbalar: Nizomiddiy Shomii «Zafarnoma», Muiniddin Natanzii «Muntaxab at-tavorix», Sharafiddin Ali Yazdii «Zafarnoma», Abdurazzoq Samarqandiy «Matla as-sa'dayn», Mirxond «Ravzat as-safo» va boshqa asarlardagi tarixiy ma'lumotlar.

O'rta Osiyoning XVI-XVII asrlar tarixiga oid yozma manbalar

O'rta Osiyoning XVI-XVII asrlar tarixiga oid fors-tojik tilidagi manbalar. Bu davrdagi Mulla Shodiiyning «Fathnoma», Fazlulloh ibn Ruzbexonning «Mehmonnomai Buxoro», Xondamirning «Habib as-siyar», Zayniddin Vosifiy «Badoe' ul-vaqoe'», Mirzo Muhammad Haydar «Tarixi Rashidii», Hofiz Tanish Buxoriy «Abdullanoma», Mahmud ibn Valii «Bahr ul-asror», Xoja Samandar Termizii «Dastur al-muluk», Muhammad Yusuf Munshii «Tarixi Muqimxonii», Mir Muhammad Amin Buxoriy «Ubaydullanoma», Abdurahmon Davlat «Tarixi Abulfayzxon» va o'zbek tilidagi «Tavorixi guzida» («Nusratnoma»), Muhammad Solih «Shayboniynoma», Zahiriddin Muhammad Bobur «Boburnoma» kabi asarlarning tarixiy manbaviy ahamiyati.

O'rta Osiyoning XVII-XIX asrlar tarixiga oid yozma manbalar

Bu davrdagi manbalarga Mir Muhammad Salim «Silsilat as-salotin», Muhammad Vafo Karminagii «Tuhfai xonii», Mir Olim Buxoriy «Fathnomayi sultoni», Axmad Donish «Navodir al-vaqoe'», Abduazim Somii «Tarixi salotini mang'itii», Mirzo Salimbek «Tarixi Salimii», Muhammad Solih «Tarixi jadidayi Toshkand», Niyoz Muhammad Xo'qandiiyning «Tarixi Shohruxii» asarlarining o'rganilishi va tarixiy manbaviy ahamiyati.

Mazkur asrlar tarixiga oid eski o'zbek tilidagi yozma manbalarga esa, muallifi noma'lum Abulg'ozii Bahodurxon «Shajarayi tarokima», «Shajarayi turk va mo'g'ul», Munis va Ogahii «Firdavs ul-iqbol» va Mirzo Olim Toshkandiiyning «Ansob as-salotin» asarlari manba sifatida.

XVII-XVIII asrlar Rus va Yevropa tillaridagi manbalarda O'rta Osiyo tavsifi

O'rta Osiyo haqida XVII asrgacha yozilgan Yevropa tillaridagi yozma ma'lumotlar sayyoh va elchilarning kundaliklari. Marko Polo, Rui Gonsales de Klavixo va Antonio Jenkinson kundaliklari. Shuningdek, XVII-XVIII asrlar rus va yevropa tillaridagi manbalarda O'rta Osiyo tavsifi I.D.Xoxlovning ma'lumotlarida («Книга Большому чертежу»); B.A.Pazuxin va S.I.Pazuxin ma'lumotlarida; Florio Benevini axborotida; V.N.Tatishev «Лексикон географической и политической»; D.Gladishev va Muravin ma'lumotlarida; F.Efremov safarnomasi, T.Burnashevning O'rta Osiyoga safari xotiralari; F.Nazarov safarnomasi; N.Muravyov ma'lumotlari; Ye.K. Meyendorf safarnomalarida O'rta Osiyo tarixiga oid ma'lumotlar.

O'rta Osiyo tarixiga oid Rossiya sharqshunoslari tadqiqotlari. «Turkiston arxeolog havaskorlari to'garagi», «Kesh arxeologik-topografik ekspeditsiya»si kabi ilmiy jamolar tomonidan muntazam nashr etilgan to'plamlar va maqolalar. XIX asr ikkinchi yarmida Rossiya tomonidan istilo qilinishi, Turkiston general-gubernatorligining tashkil etilishi tarixi.

Turkiston general-gubernatorligi devonxonasi hujjatlari (O'zMA)

Turkiston general-gubernatorligi kanselyariyasi materiallari O'rta Osiyo tarixiga oid manba. Turkistonni o'rgangan rus olimlarining asarlari, Turkiston arxeologiya havaskorlari to'garagi materiallari tarixiy manba sifatida. Shuningdek, XIX asr ikkinchi yarmi va XX asr boshlaridagi Turkistonga oid statistik ma'lumotlar, arxiv materiallari va davriy matbuot («Туркестанские ведомости», «Туркестанский вестник»va b.) xabarlarining tarixiy manbaviy ahamiyati.

O'zbekistonning XX asr tarixiga oid manbalar

Rossiyadagi fevral inqilobi va Turkistondagi siyosiy jarayonlarni aks ettiruvchi materiallar, Oktyabr voqealaridan keyin Turkistonda Sho'rolar hukumati tashkil topishi va yangi davlat tarixi bilan bog'liq manbalar, Sovet hokimiyatining dekretlari, Sovetlar syezdlarining qarorlari, partiya tashkilotlarining hujjatlari manba sifatida. Turkistonda muxtoriyatchilik va istiqloлчаilik harakati tarixiga oid hujjatlar tarixiy ahamiyati. O'rta Osiyoda milliy chegaralanish siyosati tarixiga oid hujjatlar, O'zbekistonning 1925-1941 yillardagi tarixini yorituvchi manbalar; qatag'onlar tarixi aks etgan hujjatlar, 1941-1945 yillar urushi tarixiga oid materiallar, O'zbekistonning 1945-1991 yillardagi tarixiga oid statistik to'plamlar va ish yuritish hujjatlarining tarixiy ahamiyati.

O'zbekistonning mustaqillik yillari tarixiga oid manbalar.

Mustaqil O'zbekiston davlatining tashkil topishiga oid tarixiy materiallar. O'zbekiston Respublikasi Prezidenti farmonlari, O'zbekiston Respublikasi Prezidenti devoni nashrlari, O'zbekiston Oliy Majlis hujjatlari muhim tarixiy manba. Mustaqillik davri turli hujjatlari, statistik ma'lumotlar, nashr materiallari, matbuot materiallari va boshqa ma'lumotlar tarixiy manba sifatida. Tarixiy manbalarni o'rganish yuzasidan hukumat rasmiy hujjatlari. Tarixiy manbalarni to'plash va saqlash muammolari.

Tarixshunoslik fani va uning vazifasi

Tarix fanining vujudga kelishi va o'tmishni o'rganishdagi dastlabki malakalar. Tarix fanining tarkibiy qismlari. «Tarixshunoslik» atamasi. Tarixshunoslikning obyekti, predmeti va vazifasi. Tarixshunoslikning rivojlanish bosqichlari.

Tarixshunoslikda tadqiqotlarning tahlil qilish usullari. Qiyosiy tarixiy usul. Aniq tahliliy usul. Mantiqiy tahliliy usul. Xronologik usul. Davriylashtirish usuli. Retrospektiv tahlil. Tadqiqotlarda mavzuning o'rganilish darajasini tadqiq qilish. Tadqiqotlarni davrlashtirish.

XX asrning 90-yillarida O'zbekiston tarixshunoslik fani rivojida yangi davrning boshlanishi. Nazariy-metodologik masalalarning ishlab chiqilishi. Ilmiy maktablarning shakllanishi. Mustaqillik davridagi o'zgarishlar. Fanlar Akademiyasi Tarix instituti faoliyati.

O'zbekistonda qadimgi davr tarixining o'rganilishi

O'zbekistonning qadimgi davr tarixi tarixshunosligi. O'zbekistonning qadimgi davr tarixining o'ziga xos tomonlari. O'zbekistonning qadimiy tarixiga oid arxeologik tadqiqotlar. Qadimgi numizmatik tadqiqotlarni o'rganish.

Qadimgi epigrafik manbalar (Behistun, Persepol, Naqshi Rostam, Doro I, Ayritom bitiklari)ning o'rganilishi. Avesto, Qadimgi Hind manbalariga doir tadqiqotlar.

O'rta Osiyo haqidagi antik davrda yaratilgan asarlarining tadqiq etilishi.

O'zbekistonda O'rta asrlar tarixining o'rganilishi

O'rta asrlar tarixnavisligining xalq ijodiyoti, an'analari bilan uzviy bog'liqligi. Arab, fors, yunon va turk tilidagi qo'lyozmalar va ularning tarix fanining rivojlanishidagi o'rni.

O'rta asrlarda yaratilgan asarlarning tarixshunoslik jihatidan tahlili. O'rta asrlarda tarixnavislik maktablari. O'rta asrlarda yaratilgan tarixiy asarlarning o'rganilishi.

XIX asr oxiri - XX asr boshlarida sharqshunoslar tomonidan O'rta asrlar tarixining o'rganilishi.

Amir Temur va temuriylar davri tarixshunosligi

Tadqiqotlarda Amir Temur shaxsi va uning siyosiy faoliyati masalalarining yoritilishi. XIX asr oxiri - XX asr boshlari, Mustaqillik yillarida Amir Temur va temuriylar, temuriylar davri ijtimoiy-siyosiy, iqtisodiy va madaniy hayoti masalalarining yoritilishi. Temuriylar davrida yaratilgan tarixiy asarlarning o'rganilishi. Temurshunos olimlarning ilmiy faoliyati. Xorijiy davlatlarda temuriylar davriga oid tadqiqotlar.

XVI-XIX asrning birinchi yarmida O'rta Osiyo xonliklari tarixshunosligi

O'rta Osiyoda mahalliy tarixnavislikning shakllanishi va asosiy yo'nalishlari. XVI-XIX asrning birinchi yarmida O'rta Osiyo tarixshunosligining o'ziga xos xususiyatlari. Tarixiy tadqiqotlardagi yondashuvlar.

XVI-XIX asrning birinchi yarmida Yevropada O'rta Osiyo haqidagi tarixiy geografik tadqiqotlar.

O'rta Osiyo xonliklarining tashkil topishi, ma'muriy hududiy tuzilishi, boshqaruv tizimi, hukmron sulolalar. Xonliklar tarixining asosiy bosqichlari.

Rossiya imperiyasining Qo'qon, Buxoro va Xiva xonliklariga harbiy tajovuzi. Qo'qon xonligining tugatilishi. Buxoro va Xiva xonliklari siyosiy qaramlik davri tarixshunosligi.

Vatan tarixshunosligida O'rta Osiyo xonliklarini o'rganishning asosiy bosqichlari. Tarixiy tadqiqotlarda xonliklar haqidagi bilimlarning aks etishi va ularga sovet mafkurasining ta'siri.

Mustaqillik davri tarixshunosligida xonliklar tarixiga yangicha yondashuvlar va ularning nazariy-konseptual, metodologik asoslari. Xorijiy tadqiqotchilar tomonidan O'rta Osiyo xonliklaridagi ijtimoiy-siyosiy, iqtisodiy va madaniy hayot masalalarining o'rganilishi.

XIX-XX asrning boshlarida O'rta Osiyo tarixining o'rganilishi

Sharqshunoslarning O'rta Osiyoning qadimgi va O'rta asrlar tarixi, etnografiyasi, epigrafikasi va numizmatikasiga oid tarixiy asarlari. XIX-XX asrning boshlarida yaratilgan tarixiy-etnografik asarlar.

Sharqshunoslar tomonidan O'rta Osiyo xonliklarining Rossiya imperiyasi tomonidan bosib olinishi masalalarining o'rganilishi. Rossiya imperiyasi mustamlakachiligi davri tarixshunosligi. Davriy matbuotda xonliklar hayotiga oid ma'lumotlar. "Туркестанский сборник" va statistik tadqiqotlarda Buxoro, Xiva, Qo'qon xonliklari haqidagi ma'lumotlar.

Jadidlarining tarix, tarix fani va ta'limi hamda tarixshunoslik haqidagi dunyoqarashlari.

Sovet davrida O'zbekistonda tarix fani

Sovet davri tarixshunosligining o'ziga xos xususiyatlari va nazariy kontseptual asoslari.

XX asrning 20-30 yillarda tarix fani. O'zbekistonda ilmiy muassasalar va oliy o'quv yurtlarining tarixchi mutaxassislarni tayyorlashdagi o'rni.

Tarix institutining tashkil etilishi. Tarix fakultetlari va kafedralarining ochilishi O'zbekiston Fanlar Akademiyasining tashkil etilishi.

O'zbekistonda sharqshunoslik. Sharqshunoslarning tarixshunoslikni rivojlantirishga qo'shgan hissasi

O'zbekistonda arxeologiya va etnografiyaga oid tadqiqotlar. Arxeolog va etnograflarning tarix fanining rivojlanishiga qo'shgan hissasi. O'rta Osiyolik allomalarning fan tarixi, madaniyat, O'rta Osiyo xalqlari san'atiga oid qo'lyozma manbalari, ilmiy merosining o'rganilishi. O'zbekiston tarixining yoritilishi.

O'rta Osiyo xalqlarining xorijiy mamlakatlar bilan tarixiy, siyosiy-iqtisodiy va madaniy munosabatlarining o'rganilishi.

Mustaqillik yillarida O'zbekistonda tarix fanining rivojlanishi

Tarix fanida yangi dunyoqarashlar. Tarixga qiziqishning ortishi. O'zbekiston Respublikasi Vazirlar Mahkamasining «O'zbekiston FA Tarix instituti faoliyatini takomillashtirish» haqidagi (1998 yil) qarori.

1996 yilda O'zbekiston Respublikasi Prezidenti huzuridagi Davlat va jamiyat qurilishi akademiyasi huzurida «O'zbekistonning yangi tarixi» markazi tashkil etilishi. Markaz olimlari tomonidan 3 jildli «O'zbekiston tarixi» kitobining nashr etilishi.

Tarix institutining ilmiy faoliyati. Tarixchilar tomonidan davriy, ilmiy, ilmiy-ommabop to'plamlarning nashr etilishi. Ilmiy anjumanlar va ularda o'zbek davlatchiligi tarixi masalalarining yoritilishi. Zamonaviy arxeologiya, etnografiya va manbashunoslikning vazifalari.

Og'zaki tarix. Tarixga bag'ishlangan ilmiy jurnallarning O'zbekiston tarixini yoritishdagi o'rni.

O'zbekistonda tarixshunoslik fanining alohida soha sifatida rivojlanishi

Mustaqillik yillarida O'zbekiston tarixshunoslik fanida yangi davrning boshlanishi. Nazariy-metodologik masalalarning ishlab chiqilishi. Ilmiy maktablarning shakllanishi. O'zbekistonda tarixshunoslik fani va tarix fanidagi metodologiyalar. O'zbekistonda tarixshunoslik tadqiqotlari ko'lamini, rivojlanishi. O'rta Osiyo mutafakkirlari, tarixchilari ilmiy merosini o'rganish borasidagi keng qamrovli ilmiy tadqiqotlar. Tarix sohasidagi tadqiqotlarda zamonaviy tarixiy tadqiqot metodologik yondashuvlarning vujudga kelishi.

Mashhur mahalliy tarixchilar ilmiy merosiga yangicha qarashlar. O'zbek davlatchiligi tarixining yangi konsepsiyasining paydo bo'lishi. O'zbek davlatchilik tarixining kompleks ravishda o'rganilishi. O'rta Osiyo tarixining turli davrlarining tarixshunoslik jihatidan yoritilishi. O'zbekistonning eng yangi tarixi metodologik muvofiqlashtiruvchi markazining tashkil etilishi. Zamonaviy tarixshunoslik va istiqboldagi vazifalar.

Foydalaniladigan asosiy darsliklar va o'quv qo'llanmalar Rahbariy adabiyotlar:

1. Мирзиёев Ш.М. Танқидий таҳлил, қатъий тартиб-интизом ва шахсий жавобгарлик – ҳар бир раҳбар фаолиятининг кундалик қондаси бўлиши керак. Ўзбекистон Республикаси Вазирлар Маҳкамасининг 2016 йил якунлари ва 2017 йил истикболларига бағишланган

- мажлисидаги Ўзбекистон Республикаси Президентининг нутқи. // Ҳалқ сўзи газетаси, 2017 йил 16 январ. №11.
2. Мирзиёев Ш.М. Қонун устуворлиги ва инсон манфаатларини таъминлаш юрт тараққиёти ва халқ фаровонлигининг гарови. Тошкент: “Ўзбекистон” 2017.
3. Мирзиёев Ш.М. Буюк келажагимизни мард ва олижаноб халқимиз билан бирга қурамыз. Тошкент: “Ўзбекистон” 2017.
4. Мирзиёев Ш.М. Эркин ва фаровон демократик Ўзбекистон давлатини биргаликда барпо этамыз. Тошкент: “Ўзбекистон” 2017.

Asosiy adabiyotlar:

1. Arxivshunoslik. Mualliflar jamoasi. Z.Saidbобоев муҳаррирлигида. –Т.: Turon-iqbol. 2018.
2. Алимов И.А. Архившунослик. Ўқув қўлланма – Андижон: АДУ, 2005.
3. Ахунова М.А., Лунин Б.В. История исторической науки в Узбекистане. – Т.: Фан, 1970.
4. Аҳмедов Б. Ўзбекистон тарихи манбалари. (қадимги замон ва Ўрта асрлар). – Т., 2001.
5. Ахмедов Б.А. Историко-географическая литература Средней Азии XV-XVIII вв. – Т.: Фан, 1985.
6. Buriyeva X.A., Nazarov A.Y., Abbasov B.B. Arxiv ishi nazariyasi va amaliyoti. –Т.: Turon-iqbol. 2019.
7. История Узбекистана в источниках. Известия путешественников географов и учених XVI перв. пол. Составитель Б.В.Лунин. – Т.: Фан, 1988.
8. История Узбекистана в источниках. Известия путешественников географов и учених XVI перв. пол. Составитель Б.В.Лунин. – Т.: Фан, 1988.
9. Manbashunoslik. Mualliflar jamoasi. D.Alimova muharrirligida. –Т.: Turon-iqbol. 2019.
10. Самарқанд шаҳрининг умумбашарий маданий тараққиёт тарихида тутган ўрни. Самарқанд шаҳрининг 2750 йиллик юбилейига бағишланган халқаро илмий симпозиум материаллари. – Т.: Фан, 2007.
11. Саидбобоев З. Европада Ўрта Осиёга оид тарихий-картографик маълумотлар (XVI-XIX асрлар). – Т.: Фан, 2008.
12. Собрание Восточных рукописей Института востоковедения АН РУз. I-XI т. – Т., 1952-1987.
13. Тарихий манбашунослик / Ўқув қўлланма. Тузувчилар А.А. Мадраимов, Г.С. Фузаилова. – Т.: Фан, 2006.
14. Тарихий манбашунослик муаммолари / Республика илмий-амалий анжумани материаллари. – Т., 2008, 2013.2019.
15. Ўзбекистоннинг ислом цивилизациясига қўшган ҳиссаси // Халқаро конференция материаллари. – Тошкент-Самарқанд: Имом Бухорий республика илмий-маърифий маркази нашриёти, 2007.

BAHOLASH MEZONI

2021/2022 o'quv yili 5A120302 - Tarix (yo'nalishlar va faoliyat turi bo'yicha) magistratura mutaxassisligiga kiruvchi abituriyentlar uchun 5120300 – Tarix (mamlakatlari va yo'nalishlar bo'yicha) ta'lim yo'nalishi o'quv rejasiga asosan 1 ta umumkasbiy fani bo'yicha: Manbashunoslik va Tarixshunoslik fani bo'yicha - 50 ta savol kiritiladi va ularning har bir berilgan to'g'ri javobiga 2.0 balldan beriladi, jami maksimal ball $50 \times 2.0 = 100$ ballni tashkil qiladi, test savollarini yechish uchun 90 daqiqa vaqt ajratiladi.